



Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Prishtinë, 16 prill 2019
Kodi i ZRRE-së: V_1133_2019

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, Nenin 15 paragrafi 1 nënparagrafi 1.15, Nenin 25, Neni 26 paragrafi 1 nënparagrafi 1.2 dhe Nenin 43 paragrafi 1 të Ligjit për Rregullatorin e Energjisë (Nr.05/L-084);
- Nenin 4, Nenin 5, Nenin 13 par 1 dhe Nenin 14 të Rregullës Nr. 11/2017 për Procedurën e Autorizimit për Ndërtimin e Kapaciteteve të reja bazuar në BRE;
- Udhëzimi Administrativ Nr. 05/2017 për Caqet e Burimeve të Ripërtërishme të Energjisë;
- Nenin 4 par. 1 dhe 4, Nenin 5, Nenin 6 paragrafi 1 dhe 3, Neni 7, Neni 11 par. 3, 4, 5, 6 dhe 7, Nenin 12 të Rregullës Nr. 10/2017 për Skemën Mbështetëse për Gjeneratorët e BRE-ve;
- Vendimin Nr. V_810_2016 dt. 19 maj 2016 për përcaktimin e Tarifës Nxitëse (Feed in) për prodhimin e energjisë elektrike nga Burimet e Ripërtërishme të Energjisë;
- Aplikacionin/Kërkesën për Autorizim për ndërtimin e kapaciteteve të reja gjeneruese për prodhim të energjisë elektrike nga BIOMASA, me kapacitet të instaluar prej 1.2 MW, ZK Rezina në Komunën e Gjakovës, të datës 20.04.2018 nr. prot. 175/18 të shoqërisë NP "Ngrohtorja e Qytetit" SH.A, GJAKOVA, me adresë: rruga " Transite",pn, Gjakovë, Republika e Kosovës, dhe
- Aplikacionin për Pranin në Skemën Mbështetëse,

në seancën e mbajtur me datë 16 prill 2019 nxori këtë:

V E N D I M

Për Lëshimin e Autorizimit Preliminar

- I. I lëshohet AUTORIZIMI PRELIMINAR** shoqërisë NP "Ngrohtorja e Qytetit" SH.A. - Gjakova për zhvillimin e projektit për ndërtimin e kapaciteteve të reja gjeneruese për prodhim të energjisë elektrike nga BIOMASA, ZK Rezina, me kapacitet të instaluar prej 1.2 MW, në Komunën e Gjakovës, Republika e Kosovës.
- II. Aplikuesit NP "Ngrohtorja e Qytetit" SH.A., do t'i lëshohet AUTORIZIMI** për ndërtimin e kapaciteteve të reja gjeneruese nga BIOMASA, pas përmbushjes së kërkesave që dalin nga Nenet 14 dhe 15 të Rregullës për Procedurën e Autorizimit dhe kërkesave tjera të legjislacionit tjetër të aplikueshëm lidhur me ndërtimin e stabilimenteve të reja gjeneruese.



- III. Vendimi për Autorizimin Preliminar nuk i jep të drejtë bartësit që të fillojë ndërtimin e stabilimentit të ri gjenerues para se t'i plotësojë të gjitha kushtet dhe kërkesat e përcaktuara në pikën II. të këtij Vendimi dhe ti lëshohet Autorizimi Final në përputhje me Rregullën e Autorizimit.
- IV. Vendimi për Autorizimin Preliminar përcakton disponueshmërinë e caqeve dhe kualifikimin në skemën mbështetëse.
- V. Vendimi për Autorizimin Preliminar përcakton se aplikuesit i garantohet lidhja e Marrëveshjes për Shitblerje të Energjisë Elektrike me Operatorin e Tregut (KOSTT) në kohëzgjatje 10 (dhjetë) vjeçare, me tarifën nxitëse sipas Vendimit V_810_2016 të datës 10 maj 2016, të nxjerr nga Bordi i ZRRE-së.
- VI. Vendimi për Autorizimin Preliminar përcakton se shoqëria NP "Ngrohtorja e Qytetit" SH.A., brenda tridhjetë (30) ditësh pune nga pranimi në Skemën Mbështetëse duhet të paguaj garancinë financiare, për projektin për prodhimin e energjisë elektrike nga BIOMASA me kapacitet të instaluar prej 1.2 MW në përputhje me Nenin 12 të Rregullës Nr. 10/2017 për Skemën Mbështetëse për Gjeneratorët e BRE-ve. Pranimi në Skemën Mbështetëse do të jetë efektiv nga data e pagesës së kësaj garancie.
- VII. Vendimi për Autorizimin Preliminar lëshohet për periudhën dymbëdhjetë (12) mujore, brenda së cilës periudhë aplikuesi obligohet që ti plotësoi kërkesat sipas pikës II. të dispozitivit të këtij Vendimi, dhe me shkrim të kërkojë lëshimin e Autorizimit Final për ndërtim të stabilimenteve të reja gjeneruese.

Arsyetim

- ZRRE me datë 20.04.2018 nga shoqëria NP "Ngrohtorja e Qytetit" SH.A., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhim të energjisë elektrike nga BIOMASA, ZK Rezina, me kapacitet të instaluar prej 1.2 MW energji elektrike, ndërsa energji termike me kapacitet të instaluar prej 15 MW, në Komunën e Gjakovës, Republika e Kosovës.
 - ZRRE me datë 20.04.2018 nga shoqëria NP "Ngrohtorja e Qytetit" SH.A., ka pranuar aplikacionin për pranim në skemën mbështetëse për prodhimin e energjisë elektrike nga BIOMASA për kapacitetin e instaluar prej 1.2 MW.
 - ZRRE shoqërinë NP "Ngrohtorja e Qytetit" SH.A., e ka njoftuar në lidhje me garancionin financiar që duhet të paguhet nga aplikuesi në mënyrë që pranimi në skemën mbështetëse të jetë efektiv dhe njëkohësisht ti garantohet tarifa nxitëse dhe marrëveshja për blerje të energjisë.
 - ZRRE, pas vlerësimit të kërkesave dhe dëshmimeve relevante të bashkangjitura aplikacionit, pranimit të dëshmimeve tjera plotësuese, të kërkuara nga ZRRE, dhe vlerësimit të përmbajtjes së aplikacionit për pranim në skemën mbështetëse, duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.
- VIII. Vendimi nxirret dhe publikohet në gjuhët zyrtare në Republikën e Kosovës.



IX. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimi të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:

Arsim Janova, u.d. kryesues

Besim Sejfiqaj, anëtar

Selman Hoti, anëtar

Izet Rushiti, anëtar

Vendimi iu dërgohet:

- Palës,
- Komunës së Gjakovës,
- Sekretarit të Përgjithshëm të MMPH-së, dhe
- Arkivit të ZRRE-së.